



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensor Redivivvs Seu De Sacrae Consistorialis Aulae Advocatorvm Origine, ac Munere

**De Rossi, Giuseppe Ortensio
De Rossi, Giacomo Gregorio**

Romae, 1657

31 Clemens IV. & Bonifacius VIII. antiquissimi Aduocati Consistoriales.

urn:nbn:de:hbz:466:1-10678

Iudices cum Aduocatis &c. & ferè post duo sæcula in Constitutione secunda Benedicti XII.

- 31 Expressa * quoque mentio Aduocati Consistorialis fit in vita Bonifacii VIII. ad Pontificatum euecti Nono Kalen. Ianuarii 1294., quem sub nomine Benedicti Caietani in Curia Romana fuisse Aduocatum Consistorialem testatur Alphonsus Ciacconus *in eius vita tom. 2. fol. 642.* Et ante Bonifacium VIII. Clementem quoque IV. Summum Pontificem, creatum Perusis per compromissum Non. Febr. 1265. in numerum Aduocatorum Consistorialium fuisse cooptatum sub nomine Guidonis Fulcodii Galli patria Nar-

Narbonensis testatur Cæsar Ca-
 rena in annotat. ad quæstiones
 quindecim eiusdem Fulcodij pro
 Inquisitoribus post eius tract. de
 offic. Sanctissimæ Inquisitionis in
 addit. ad princ. Cons. num. 2. ibi.
 Mortua uxore Romam venit, ubi
 primum Aduocatus Consistorialis
 efficitur, mox Podiensis, dein-
 de Narbonensis Episcopus, postea
 Cardinalatus, & Sabinensis E-
 piscopatus honore ab Urbano IV.
 Summo Pontifice decoratur, in
 cuius etiam loco maximo consensu
 omnium S. R. E. Cardinalium
 sufficitur, & Clemens IV. nun-
 cupatur. Fit etiam mentio de
 Aduocatis Consistorialibus à Bo-
 nifacio Vitalino in Clementina
 Abusionibus num. 2. de Pœniten-

rijs, & remis. ibi. Nota quod
Aduocatus Consistorialis non de-
bet plus effectualiter exponere ver-
bo in Consistorio publico Pape,
quam contineatur in supplicatio-
ne scripta, quam de mandato Pa-
pe exhibet Cancellario, aut alteri
Cardinali, quem deputet in hoc
Commissarium; Qui Vitalinus
fuit Aduocatus Fisci tempore
Clementis Sexti creati Auenio-
ni Nonis Maii 1334., vt ipse
testatur in Clementina Dudum
num. 9. De Iudicijs. Nec non
in prouisione Officii Potestatis
in Ciuitate Vrbeuetana à Gre-
gorio XII. facta in personam
Magistri Francisci de Vbaldis
I. V. D. Perusini, & Consisto-
rii Aduocati ad sex menses pra-
sti-

fito solito iuramento fidelitatis
 in manibus Camerarij sub Da-
 tum apud Sanctum Petrum XI.
 Kalendas Ianuarij anno primo
 qui fuit Domini 1406. in libro
 eiusdem Gregorij XII. de diuersis
 formis anno primo, qui cum alijs
 extat in Archiuo Vaticano; Ite-
 rumque declarando per recep-
 tionem ad officium Aduocatio-
 nis Consistorij sui, non vacasse,
 nec vacare officia Scriptoriæ
 litterarum Apostolicarum, Pœ-
 nitentiariæ, & Abbreviatoriæ
 earumdem litterarum Apосто-
 licarum, quæ habebat Sanctes
 de Viuianis Canonicus Feren-
 tinus, & legum Doctor recep-
 tus ad dictum officium Aduo-
 cationis Consistorialis: imo cum

illo dispensauit, vt quoad viueret eadem officia, nec non Aduocationem posset exercere, etiam si essent incompatibilia, & illum ad coniugalia vota transire contingeret. Datum Caietæ. IV. Nonas Augusti anno quarto Domini verò 1410. lib. *De diuersis formis eiusdem Pontificis Anno IV. fol. 174.*

32 Nec * silentio inuoluendum est, plures testari Oldradum fuisse Aduocatum Consistorialem, qui plurimum valuit apud Ioannem XXII creatum VII. Idus Augusti 1316; & floruit anno 1320; vt testatur Ioannes Fichardus in *Vitis Recentiorum Iurisconsultorum*, hoc est in vita eiusdem Oldr. tract. tom. 1. fol.